



Имукьва чи баркаллу хва, физкультурдин спортдин рекъий РД-дин лайихлу къуллугъчи Ашуралиев Къариб Ферзалиевича спортдин ветеранрин арада Москвада азалдиз къуршахар къунай кыле фейи акъажурна Новосибирскда тир дуньядин чемпион Виктор Тонкихан винел гъалибвал къачуналди, нубатдин 6-сеферда РФ-дин чемпионвилдин дережа къазанмишна. Алай вахтунда Ахцегъа «Самур» спортклубдин руководителвиле Къалахзавай ам, рикел хкин, спортдин ветеранрин арада Европдин чемпион ва дуньядин чемпионатдин призер я.

РАЙАДМИНИСТРАЦИЯДА СОВЕЩАНИЕ

НАЛОГАР – ЭВЕЛИМЖИ ЧКАДАЛ

Даш АЛИЕВ

16-июлдиз райондин активдин нубатдин совещание Ахцегъ муниципалитетдин кыл Осман Абдулкеримован регъбервилек кваз кыле фена. Йикъан месэлайрив эгечдалди вилик ада алатай совещанидал гайи вичин тапшуругъар кылииз акъудзавай гъал ахтармишна. Гуьгъунай гаф райадминистрациядин экономикадин отделдин начальник Азади Моллалиеваз гана.


- Налогар къватунин июлдин вацран тапшуругъар районда эменидай 55 ва чилин налогдай 75 процентдин кылииз акъуднава, 6 вацран тапшуругъар – 100 процентдин, - кылиди къачуртла, лагъана ада.

Яшайишдин амукъаяр, зирзибил (ТБО) тухунин ва и къуллугъдай жемятди вахт-вахтунда гъакъи гуниин месэладай гаф «Экологи-Ка» ООО-дин юрист Жигит Эйланбегова къачуна. Ада къейдна хьи, ТБО тухунин месэладай РФ-дин Гьукуматди 2017-йисан декабрдиз къабудлай къардал асаслу яз, зирзибилар тухвана гъал авунай гъар сада тайинарнай къадарда гъакъи гана къанзава. Акси дуньшуда къайдаяр хуьдай органри, жермеяр илитгуналди, а пул кылини алаз вахчуа. Гъелелиг цийиди тир и месэлада лазим тир къайда твиз хъанвацтлани, развилелди лугъун, районгълияр вердир жезва.

Ахпа трибунади гъахъ-гъисабдин доклад гъаз муниципалитетда эцигунрин сад тир заказчикдин Управленидин (УСЕЗ) начальник Мусабег Гъажиев атана.

- Ахцегъ муниципалитетдин кыл Осман Магъмудовичан алахунрин нетижакда цли районди республикадин ва федеральный са жерге программаяр иштиракзава ва, талукъ тирвал, райондиз мукъва йисара тагай къван финансрин такъатар къезва. ИкI, алай вахтунда РД-дин «150 школа» программадай Смугъулрин юкъван школадин дарамат капиталныйдаказ ремонтзава. Дугъри я, Калукрин, Къакларин ва Ахцегърин 3-нумрадин школарин ремонтрив эгечлун аукционар себез яз са къадар энгел хъанва. И гъафтада гъабурвни эгечда ва 1-сентябрдалди фикирда къунвай вири къвалахар тамамарда. Ахцегърин 1 ва 2-нумрайрин, Цуругърин ва Смугъулрин школайра медкабинетар тадаракламишуниз пулдин такъатар янава. Алава яз, чи гъиле ял ядай «Набережная» парк, Къакла футболдин гъевчи стадион туькьурунин ва эцигунрин бязи маса объектари ава.

Совещание, Осман Магъмудовича ийизвай къвалахрин нетижаяр къуналди, СП-рин кылеризни бязи идарайрин руководителриз талукъ тапшуругъар гуналди куьтыгарна.



1928-йисалай акъатзава

№29 (8686), арбе

ЩИЙИ ДУЬНЬЯ

12+

17-июль, 2019-йис. Газет гъафтада садра акъатзава.

Къимет 10 манат

ФЛНКА-дин ЦИЙИ АГАЛКЪУН

ЧИ МУХБИР

ФЛНКА-дин (Лезгийрин милли медениятдин федеральный автономия) пресс-къуллугъди хабар гайивал, алай йисан 6-июндиз ООН-дин экономикадин ва яшайишдин Советди лезгийрин тешкилатдиз консультативный махсус статус ганва.

тешкилиз ва са жерге маса крар кылииз акъудиз жезва.

Са гафуналди, консультативный статусдихъ еке къуват, мумкинвилер ава. ФЛНКА-дин вилик чи халкъдин тIал алай

Икардихъ гъихътин къетIенвилер ава? Сифте нубатда, ихътин дережади тешкилатдиз ООН-дин экономикадин ва яшайишдин Советдихъ, адаз талукъ органрихъ, секретариатдихъ, программарихъ, фондарихъ, идарайрихъ галаз сих алакъаяр хуьдай мумкинвал гузва. Гила ФЛНКА-диз ООН-дин Нью-Йоркда авай килин идарайра ва Женевадани Венада авай отделенийра чпин векилар тайинардай ихтияр ава. Абурукай гъар садавай, са манивални авачиз, ООН-дин винидихъ тIвар къунвай офисриз физ жеда. Амма идалди тешкилатдиз цийи статусди ганвай «савкъатар» куьтыгъ жезвач. ФЛНКА-дивай ООН-ди кыле тухузвай между-



народный конференцияра, маса мярекатар иштиракиз, анра кхьиналди ва рахуналди арзаяр ийиз, ООН-дин майданрал мярекатар месэляяр дуньядин дережадин майданриз акъуддай цийи рекъер ачух хъанва.

МИЛЛИ ПРОЕКТАР – УЬМУЬРДИЗ!

АЯЛРИН 59 БАХЧА ЭЦИГДА

Сир туш хьи, алай вахтунда чи республикада аялрин бахчайра чкаяр бес жезвач. Республикадин регъберри и месэла гъялун патал еке чалишмишвилерзава. ИкI, 2021-йисалди Дагъустанда аялрин 59 бахча эцигдайвал я. Дагъустанда аялрин бахчайра учирар арадал атунин кылин себеб жегъил хизанра аялар артух хъун яз гъисабзава.

Арадал атанвай гъалар къезиларун патал школадай виликан идарайрин хуси сектор гегеншарун теклифзава. Амма ахътин идарайра аялар къабудунин къиметни багъа жеда. «Демография» милли проектдин ва республикадин инвестициярин программадин сергъятра аваз гележегда Дагъустанда чпин яшар къве вацралай алатнавай аялар къабудлай школадай виликан идараяр жеда.

МЯРЕКАТАР

ЖЕННЕТ ДИДЕДИН КИВАЧЕРИК КВА...

Алина ШЕРИФАЛИЕВА

12-июлдиз Ахцегъ РДК-дин залда «Женнет дидедин кивачерик ква» лишандик кваз дишегълийрин махсус форум кыле фена. Ам Ахцегъ райондин администрациядин ва РД-дин Муфтиятда просвещенидин хилен векилрин гуьзчивилик кваз тешкилнавай.



Форумдал къватI хъанвайбурун вилик райондин имамрин Советдин председатель Абдулгъашум Абдулгъашумов, райондин дишегълийрин Советдин председатель Таира Муспагъова, Дагъустандин лайихлу артистка Цуьквер Мамедова ва масабур рахана.

«Диде чаз виридалайни играми кас я. Адалай мукъвади, чахъ и дуньяда авач. Алай вахтунда государстводи дишегълийрин, дидейрин гъахъ-

индай ийизвай къайгъударвал артухарзава. Пособияр хкажзава, дидейрин ва аялрин уьмуьр датIана хъсанарун патал талукъ тир къарарар къабудзава, гъар жуьре проекткар кардик кутазава. Вири и серенжемрин мурад дидеяр шад авун я», - лагъана абуру.

Гуьгъунай аялри форумдин иштиракчийрин вилик гуьзел нашидар яна ва насигъатдин сегънеяр къалурна. Серенжем куьтыгъ хъайила, чна форумдин тешкилатчийр тир Саида Бегагъаевадихъ ва Айиша Ашуралиевадихъ галаз суьгъбетна:

- Дишегълийрин форумдин кылин мурад акъалтзавай несилдиз чи эдеб-ахлакъ чирун, чи халкъдин хъсан адетар ва культурадин девлет хуьн я. Ихътин серенжемар Дагъустандин гъар са района, гъар са хуьре тухуз хъайитIа, мадни хъсан я. Вучиз лагъайтIа, ида чпелай кар алакъдай, машгъур дишегълияр ва жегъил рушарни сусар санал къватI жедай, чпин месэляяр веревирд ийидай, чи бадейрин, бубайрин хъсан адетар ва тежриба жегъилриз тадай мумкинвал гузва,- кьейдна абуру.



ФРИД ГЪАСАНОВИЧ КИСРИЕВАН – 105 ЙИС

АДАЛАТЛУ КАР ЖЕДАЙ

А. АГЪМЕДАГЪАЕВ, хуьруьн майишатдин илимрин кандидат

Фрид Гъасанович Кисриев и дуьньядал Ахцегьрин хуьре 1914-йисан 28-апрелдиз агана. 10 йис тамам хъайила, гада Ахцегьрин сифтегъан школадиз физва, 1929-йисузд ада чирвилер къачун жегьил лежберин школада даварна. Гуьгъуьнлай Фрид, а вахтара гъафбуруз адет тирвал, Бакудин нафтгадин институтдик экечна. Амма Дагъустандин хуьруьн майишатдин институт ачухнамазди, ам цийи вуздин емишринни майвайрин факультетдиз хтана.

1938-йисузд Фрид Гъасанович Дагъустандин хуьруьн майишатдин институтдин патав гвай аспирантурадик “Селекция плодовоощеводства” пешедай экечна. Жегьилдин илимдал желб хъанвай фикирар даяведи къатгна. Даяедин йисарилай къулухъ Фрид Гъасановича вичин пешедин рекъий жуьреба-жуьре къуллугърал къвалахун даварна.

1947-йисан февралдиз адакай ДАССР-дин хуьруьн майишатдин министрдин заместитель хъана. И йисара ада аспирантурада къелун даварна ва Москвадин К.А. Тимирязеван тварунихъ галай хуьруьн майишатдин академияда диссертация агалкъунралди хвена.

1954-йисузд Ф.Г. Кисриев Дагъустандин хуьруьн майишатдин министрдин къуллугъдал гайинарзава. Гъар юкъузд важиблу месэлайрал машгъл жезвай и девирда Фрид Гъасанович Дагъустандин чилел хуьруьн майишатдин рекъий илимдинни ахтармишунрин институт ачухун чарасузд я лагай фикирдал къвердавай мягькем жезвай.

1956-йисузд ихътин институт ачухунихъ галаз алакьалу язд, Фрид Кисриевакай адан сад лагай директор жезва. Дагъустандин хуьруьн майишатдин рекъий илимдинни ахтармишунардай институтдин директор хъайила, Фрид Гъасановича тежрибайрин пуд станция арадал гъизва: Ахцегьрин, Дербентдин ва Буйнакскдин.

Фрид Гъасанович Кисриев зурба алим, агроном тир. Ф.Г. Кисриев анжах са илимдинни производствонин база тешкилунал машгъл тушир. Ада гъакни гегъеш майданра ахтармишунардай къвалахарни кьиле тухузвай. Ада 50 далай артух илимдин къвалахар гъазурна ва чагна. Адан регьбервилек кваз коллективди “Дагъустанда хуьруьн майишат кьиле тухудай къайда” къвалах гъазурнай.

Фрид Гъасанович Кисриев гъаф намуслу ва гъахьлу руководитель тир. Ада институтдин къуллугъчийриз гъамиша вичивай жедай



куьмекар гуз алахъдай. Гъайиф хъи, Фрид Гъасанович 1975-йисан 23-мартдиз, 61 йисан яшда аваз, вахтсузд кечмиш хъана. И дуьньядал вич яшаммиш хъайи куьруь девирда Дагъустандин илим вилик тухун патал зурба къвалах кьиле тухвай алимдин зегьметар, гьелбетда, государстводи къейд тавуна тунач: ам Зегьметдин Яру Пайдахдин ва “Гуьурметдин Лишан” орденрин, женгинин пуд медалдин, ВДНХ-дин къизилдин медалдин, ВАСХНИЛ-дин Мичуринан тварунихъ галай медалдин, са жерге маса наградадин, “Россиядин лайихлу агроном” ва “РСФСР-дин илимдин лайихлу деятель” тварарин сагьиб тир. Амма хайи халкъ патал чан эцигиз гъазур касдиз виридалайни багъа награда адан твар и халкъдин рикле амукьун я.

Са шумуд йис идалай вилик кьиле тухвай илимдин советдал Дагъустандин хуьруьн майишатдин НИИ-дин коллективди институт ам тешкилай кас тир зурба алим Фрид Гъасанович Кисриеван тварунихъ ягъунин кьарар къабулнай.

2019-йисузд, Дагъустандин хуьруьн майишатдин НИИ-дин бинедаллаз са шумуд институт къватгална, Государствонин федеральный аграрный Центр тешкилна, амма Ф.Г. Кисриеван твар галачиз. Зи фикирдалди, им и Централдин алай вахтунин руководствонин рехъ ганвай еке гъалат я. Дагъустандин хуьруьн майишатдин илимдинни ахтармишунардай институт ва Илимдин шегьер арадал гъайи кас Ф.Г. Кисриев я, гъа са вахтунда адан твар са чкадизни ганвач. Гъаниз килигна, зи фикирдалди, эгер аграрный Центр, я тахъайгъа, Илимдин шегьер Фрид Гъасановичан тварунихъ ягъайгъа, адалатлу кар жедай.

ХЪСАН ЯТГАНИ,
ПИС ЯТГАНИ ЧИДАЧ

«Шерифали бубадин насигъатар» ктабдай

Са хуьре Керим лугъудай са агъваллу кас жеда. Виридаз ламар авай, анжах Керимиз балкган. Пехил тир адал инсанар.

– Пара хъсан затI я балкган. Кеф я ваз, Керим, шив хътин балкган авай, – лугъуда адаз къунишиди.

– Чидач ман, къуниши, балкган хъун хъсан яни, тахъайгъа пис, – сабурувилелди жваб гуда адаз Керима.

Са къадар бередилай балкгандилай аватна, Кериман хчин къвач хада. Гъатда гада са вацра месе. Вичин гафуникай хата хъайинди хъиз, тахирин къвай хътин тежберда къведа адан павтав къуниши.

– Валлагъ, къуниши пара пис кар хъана, авай са хва гатфарин къайгъуйрин вахтунда месе гъатна.

– Чидач ман, къуниши, пис кар хъанани – хъсан кар. Алагъдин къадар-къисмет я, – акуллудаказ лугъуда Керима.

Гъа и арада даяе хъана, хуьре авай къван вири жегъилар армиядиз тухуда. Парабур телеф ва я набуд жеда, Кериман хва сагъ-саламатдиз амукьда.

Нетижа: са затI ава лагъана шад хъун ва я авач лагъана пашман хъун герек туш. Виридалайни хъсанди Аллагъди гайи йикъал-къисметдал разивалун я.

ИСКУССТВО

ПЕШЕДАЛ КЪАРУДИ

Куругъли ФЕРЗАЛИЕВ

Бакуда яшаммиш жезвай ахцегъви руш Юлизана Шафиевна Къухмазовадихъ музыкадин рекъий еке алакьунар ава. Ам философийдин ва искусствоведенидин илимрин доктор, Муслим Магомаеван тварунихъ галай филармониядин академиядин къвалав гвай гъукуматдин капелладин хормейстер, Узеир Гъажигеован тварунихъ галай музикакадемиядин хордин дирижированидин кафедрадин доцент, Азербайжан республикадин лайихлу артистка я.

Юлизана 1968-йисан 1-июндиз Ахцегъа дидедиз хъана. Сумгаитда юкъван мектеб, 1988-йисузд Гъажигеован тварунихъ галай музучилище куьтягъна. Пешекарвал мадни хъажунин ва къилин образование къачунин мурад авай бажарагълу руш У.Гъажигеован тварунихъ галай госконсерваториядин “Хордин дирижирование” факультетдик экечна.

1996-йисалай Азербайжандин госфилармонияда капелладин хормейстервиле къвалахзава. Гъа са вахтунда 1997-йисалай инихъ У.Гъажигеован тварунихъ галай музикакадемиядин хордин дирижированидин кафедрадин муаллим яз зегьмет члугъазва. 2008-йисалай и кафедрадин доцент я. Юлизана Шафиевнади 2016-йисузд “Эволюция жанра хоровой миниатюры в творчестве азербайджанских композиторов” темадай илимрин кандидатвиле диссертация хвена.

Шаир Ашик Вейселан 125 йисан юбилейдинди тир алай йис Туьркияде шаирдинди яз малумарнава. Идахъ галаз алакьалу яз, музыкадин рекъий алакьунар авай пешекарар патал махсус про-



ектни малумарнава. Проектдин метлеб ашкъи авайбуру Ашик Вейселан шиирриз къхънвай музыкадин композиция ракуруникай ибарат я. Жуьреба-жуьре мярекатра, проектра иштиракзавай Ю.Къухмазовани къулухъ галакъунач. Ада шаирдин “Чулав накъв” шиирдиз хордин музыка къхъна. Ада туькгуьрай хордин маниди гъейранарай проектдин сагьибри А.Вейселан 125 йисан юбилейдиз талукъарнавай концерт авай юкъузд Юлизанадизни Анкарадиз атун, хордин манияр патал шаирдин члариз мад кьве музыка къхън теклифна. Идалайни гъейри, 27-апрелдиз Анкарада Ю.Къухмазовани манийрин концертни кьиле фена.

Ю.Къухмазовади республикадин ва международный жуьреба-жуьре конкурсура иштиракзава, анра къазанмишнавай хейлин агалкъунари ава. Эхиримжи сеферда ада Украинада кьиле фейи конкурса Гран-при къачуна.

Къуй устаддихъ мадни еке агалкъунар хуьрай!

ЭПОСДИКАЙ ФИКИРАР

ГЪАМИША ЖАНЛУ ШАРВИЛИ

М.НАРИМАНОВ

Ахцегърин мугъманпересчили ингъе 20-сеферда «Шарвили» эпосдин суварин гъаф къадар мугъманар ва дустар къаршиламина. Вири и йисара чун сувар лезги халкъдин виКегъвиллин ва камалувиллин гъайбатлу гимндиз элкьвенвайвиллин, Дагъустандин халкъарин савдиллин шагьидар хъанва. «Гъар йисузд лезгийрин игитвиллин «Шарвили» эпосдин сувар кьиле тухун – им гележегдин несилриз вези я», – лагъана 2000-йисузд «Шарвили» эпосдин сифте сувар шадвиллин галара ачухдайла Имам Яралиева. Эпосдин сувар кьиле тухун халкъдин культурадинни тарихдин ва ватанпересвиллин манадин чехи серенжем я. И мярекатди чи руьгьдинни ахлакъдин ивираар арадал хкиз куьмеззава, халкъдин савдал ва тупламишвал аргухарзава. И сувар

эпсдин игитвилелай чи йикъарин игитвилел къван рехъ я.

Къейд ийин, гъар йисузд «Шарвили» эпосдин суварин жуьре ва мана-метлеб цийи авуртга хъсан я, вучиз лагайтга адан иштиракчийрин ва мугъманрин къадар мадни артух жеда, дуствиллин муькъвери къадим Ахцегъар улкъведин гъар жуьре пиперихъ галаз мадни сих алакьалу ийида.

Суварин иштиракчийри ва мугъманри, лезги эстрадалдин гъетер тир манидарри гайи гала-концертдихъ ашкъидалди яб акална, абур спортдин серенжемриз, музейриз, Ахцегърин хуьруьн тарихдин чкайриз килигна, чемпионнар тебрикна.

И юкъузд суварин къайдада безетмишнавай Ахцегърин хуьрел инсанрин, вишералди мугъманрин ва аялрин шадвиллин ванер алай. Къуй чи халкъ садавай ва тупламишзавай Шарвилидин жанлу руьгъ асирра яшаммиш хуьрай!

КВЕЗ ЧИДАНИ?

МАВРИКИЙ

Маврикий РагъэкечIдай патан Африкадин островдин улкъе я. Индиядин океанда авай и республикадин составдик Маврикий ва Родригес островар акатзава. Улькведин майданди 2040 кв. километр къазва. Ана гъаф чими жеда. Улькведин меркез Порт-Луи я.

Сифтедай инсанар яшаммиш тежезвай остров 16-асирдин эвел кьилера (тахминан 1510-йисузд) Португалиядай тир агъалийри ачухна, адал Португалиядин гимийрикай сад тир Сишна твар эцигнай.

Маврикийда сифтедай масанра малум тушир къушар гъаф авай. Амма островдал инсанри масанрай ваклар, кацер, кьифер ва маса гъайванар гъуникиди, къушар фад терг хъана. Гимийра аваз островдин патавай фидайла, курамагдал къез, морякри курамагдин чехи хъалхъас хипер къаз хъана. Гъайванриз, тарариз зиянар гуникиди островдин гъалар гъаф дегиш хъана, жуьреба-жуьре ажайиб тарар, гъайванар, къушар амукьнач.

Улькведа миллионни кьве вишни пудкъад агъзурдалай гъаф инсанар яшаммиш жезва. Ажайиб тебиат авайвилейи и улкъведиз сизгъат ийизвайбурун къадар гъаф я.

ГЪУЬЛЯГЪРИ
КЪАСУНИКАЙ
МУКЪАЯТ ХЪУХЪ!

Алай вахтунда гъуьлягъдин агъудалди зегьерламиш хъайи дуьшуьшар къвердавай гъаф малум жезва. Асул гъисабдай, гъуьлягъри инсанриз тебиатдал ял язавайла ва я чуйддин къвалахар кьилиз акъудзавайла къас гузва. Гъавилейи гъуьлягъди къасай дуьшуьшда сифтегъан медицинадин куьмек гуз чир хъунихъ акъалтай важибувал ава. Инсанриз гъуьлягъди къасай дуьшуьшрикай тайин тир себбралди чир тежезвай вахтарни жезва. Анжах патологиядин лишанар пайда хъайила гъуьлягъди къасайвилеин шак къез башламишзава. Ингъе гъавилейи бедендик гъуьлягъдин агъу акатзавай тежбердикай хабар хъун лап важиблу я. Анжах и дуьшуьшда кьеве гъатай инсандиз вахтунда дуьзгъун медицинадин куьмек гуз жеда.

Гъуьлягъди къасай лишанар агъадихъ галай бур я:

- хамунал са ва я кьве гел алаз хъун;
- гъуьлягъди къасай чкада тларвал гъиссун;
- къасай чка даклун;
- къасай чкадин хамунин ранг дегиш хъун (ам вили тав алайди жезва);
- къусмиш атун; ахвар агалтун;
- бедендин температура агъуз аватун.

Инттоксикация арадал атайла къейднавай патологиядин лишанар умуми зайифвал, хамунин ранг атлун, зигьин члур хъун, вилерин ва къвачерин къайивал алава хъижеда. Залан дуьшуьшра куьруь вахтуналди зигьин къвахун, ял кьун ва дуркунрин къвалах къайдадикай хкатун мумкин я.

Гъуьлягъди къас гуниш лишанрин залавал квейлай аслу я? Сифте нубатда инсандин бедендин хуси къетленвилерилеи ва адан яшдилай, аялриз ва яшлу инсанриз гъуьлягъри къасун иллаки четиндиз акъаззава. Бедендивай дурум гуз хъуни и вахтунда къетлен роль къугъазва.

Гъуьлягъди къасай дуьшуьшра энгелвал авачиз агъадихъ галай куьмекар гана къанда:

1. Гъилериз ва я къвачериз гъуьлягъди къасайла абур гъиле гъатай шейэрин куьмекдалди (тахтаяр ва я тарцин хилер) юзуникай хуьда.

2. Хер хъанвай чкадай агъу фитинна къанда. И къвалах гъуьлягъди къасай вахтунлай 10 декьикадилай гех тушир вахтунда кьилиз акъудун лазим я. И мураддалди медицинадин резиндин груша ва я жуван сив ишлемишайгъа жеда. Сивелди агъу фитинзавайла, цуьклуб гадарна къанда. И кар 20 декьикадилай гъаф тушир вахтунда кьилиз акъудун лазим я.

3. Хер дезинфекциядин дарманралди гъяла. И вахтунда водороддин перекись, хлоргексединил ва бриллиантдин зеленка ишлемишиз жеда. Мукъаят хуьхъ: дезинфекция кьиле тухунин мураддалди спирт са сефердани ишлемишмир.

4. Къаснавай чка асептический жунадалди ва я ам авачир дуьшуьшда парчадалди кутлун ая. И вахтунда кутлуннавай чка гъаф тларам тахъун патал дикъет це.

5. Къасай чкадал къайи шей эциг. Амма и вахтунда рикел хъун лазим я хъи, ихътин шей хирел 5-7 декьикадилай гъаф вахтунда туна виже къведач. Идалай къулухъ арадай 5 декьика къун герек я.

ЕДИНЫЙ ДЕНЬ УПЛАТЫ НАЛОГОВ

Управление Федеральной налоговой службы по Республике Дагестан (далее – Управление) сообщает, что в рамках осуществления деятельности по достижению основных целей и задач, установленных Планом мероприятий по мобилизации доходов республиканского бюджета Республики Дагестан и местных бюджетов в IV квартале

2018 года налоговыми органами Республики Дагестан совместно с Правительством Республики Дагестан и органами местного самоуправления проведены мероприятия «Единый день уплаты налогов».

В «Единые дни уплаты налогов» в 2018 году мероприятиями охвачено 40346 налогоплательщиков, обеспечена уплата иму-

щественных налогов физических лиц на сумму 46,1 миллиона рублей. Первый срок проведения территориальными налоговыми органами мероприятия «Единый день уплаты налогов» в текущем году назначен на 30.05.2019, в последующем – 12 и 25 числа каждого месяца до конца текущего года.

ОТДЕЛ ЭКОНОМИКИ МР
«АХТЫНСКИЙ РАЙОН»

ДОРОГА ПАМЯТИ

Министерство обороны Российской Федерации реализует план строительства в парке «Патриот» Главного храма Вооруженных Сил. На территории храмового комплекса будет возведена галерея «Дорога памяти». В галерее на основе специальных технологий будут представлены имена и фотографии участников войны. Участие в проекте подразумевает, что каждый кто помнит и чтит своего родственника, сражавшегося за Родину, может поделиться

фотографиями и историей из домашнего архива. Собранные материалы будут увековечены в галерее «Дорога памяти». В военном комиссариате Ахтынского, Рутульского и Докузпаринского районов Республики Дагестан осуществляется ежедневный прием граждан, желающих разместить сведения о родственниках - участниках ВОВ.

Ответственный за сбор информации в военном комиссариате Ахтынского, Рутульского и Докузпаринского районов Республики Дагестан – Гаджина-зарова Динара Набиевна.

АХТЫНСКИЙ РВК

ЧИР ХЪУН ХЪСАН Я

Жалгъяр тазвайла, 4-5 лимон чкалар аламаз куьль авуна, 0,5 л эрекъ илична, мичи чкада са гъафтада тада. Гъар юкъуз ксудалди вилик ам тазвай жалгъяривай гуьцна, чими шарфуналди кевирна, пакамалди тада.

Иммунитет хкажун патал кьурунавай машмашдин патар, куьль авунвай алоэдин ва лимондин пешер (гъар сад са стаканда авайди), са стакандавай вирт, 5 цикли кака, 0,5 л коньяк, 300 г дюдгъвер вири сад-садак какадарна, ксудалди вилик чайдин са тьуруна авайди ишлемишда. Къаришма холодильника хуьда.

Хуквада хер авайла, 0,5 л нек ругуна, са тимил рекьидалди тада. Зур литрдин банкадиз хана цикли 2 кака, хурекдин 2 тьуруна авай кьери вирт, хьуьтуьл хъанвай гъакван дюдгъверни алава хьувуна, хъсандиз хуькурда. Ахпа а къаришмадиз, хуькурриз-хуькурриз, кузвай некада. Экуьнахъ ичли рикелай, куьль-куьль хуплар ийиз, ам хъада. Сагъарунин вахт са варз я.

Беденда дактун (опухоль) авайла, келемдин дувулди-кай менфят къачуда. Хурекдин са тьуруна авай (таза ва я кьурай) келемдин дувулдал 0,5 л гразвай яд илична, 8-10 сятда кевирна тада. Ахпа ам куьзна, йикъа пудкьуд сеферда фу недалди вилик 1,4 стаканда авайди ишлемишда. Азардин вилик пад кьун патал келемдин дувулдин настойка цуд юкьуз ишлемишун бес жада.

Зулуз ва хьуьтуьз бязи инсанрик мекъивилелай яргъал чьугур уьгъуьр акатда. Абуьр хкатун патал ксудалди вилик, са стакан чими некедиз вад стгал скипидар яна, хъада. Экуьнахъ уьгъуьдин гелни амукъдач.

Хурек тьурдалай гуьгъуьниз хуквада са гихьтин ятлани кьулайсузвал гьисс ийидайла, йикъа пуд сеферда 1,4 чайдин тьуруна авай регъвенвай дарчинар (корица) чими цихъ галаз ишлемишун меслят къалурзава.

Дамарра ивидин гьерекагъ гагъ виниз, гагъ агъуз жадайла, 40 твар михекрал 4 стаканда авай яд илична, зайиф цал эцигна, яд кве сеферда тимил жадалди ргада. Ам къайила, шувшедин бутылкадиз цана, холодильникда хуьда. Йикъа пуд сеферда хурекдин са тьуруна авайди ишлемишда.

Пуд гъафтедин вахтунда гъар юкьуз хурекдин са тьуруна авай балугъдин члем ишлемишайта, жалгъайра авай кпулар гъаишалуьгъ квяхъда.

КОРРУПЦИИ – НЕТ!

Генеральная прокуратура Российской Федерации выступает организатором Международного конкурса социальной антикоррупционной рекламы «Вместе против коррупции!». Соорганизаторами этого конкурса являются компетентные органы государства – участники Межгосударственного совета по противодействию коррупции и БРИКС.

Прием работ будет осуществляться с 1 июля по 1 октября 2019 года на официальном сайте конкурса www.anticorruption.life в двух номинациях – социальный плакат и социальный видеоролик. К участию приглашаются молодые люди в возрасте от 14 до 35 лет. Торжественную церемонию награждения победителей конкурса планируется приурочить к Международному дню борьбы с коррупцией (9 декабря). Правила проведения конкурса доступны на официальном сайте конкурса.

ГЪУЪЛЪГЪРИ КЪАСУНИКАЙ МУКЪАЯТ ХЪУХЪ!

2←

Духтурдин куьмек

1. Аллергиядиз акси дарманрин такъатар – тавегил, димедрол ишлемишун хъсан я. Абуьр тади медицинадин куьмекдин машин атанмазди ягъиз башла-мишда. Виридалайни хъсан жуьре

дал кудай шей эцигун;

2. Хирел чими ийидай затлар эцигун;

3. Хер хъанвай чкадал жгут эцигун. И къадагдадин себел и кари агъу мадни дериндиз финал гъун я;



раб ягъун я.

2. Йикъан вахтунда жезмай къван гъаф яд ишлемишна кьанда. Ида беден зегъерламиш хъунин дережа са къадар тимиларда.

3. К ва С витаминар къабулун, дамаррик стгалрин къайдада глюкоза кутун.

4. Глюкортикостероидный дестедин дарманар – преднизолон, гексаметазон дамарриз яда. Риклин кьвалах къайдадикай хкатайла ва нефес бес тежезвайла азарлуда кофеин, эфедрин, кордеамин квай рапар яда.

5. Риклин кьвалах акъвазайла ва нефес амачирла ИВЛ ва риклин массаж кыле тухузва. Гъайиф хьи, гъуьлягъди къасайла гъавурда авачир инсанри са хийирни авачир гьерекаатар ийизва, идаз акси яз, абуьр гъуьлягъди къасунин нетижаяр мадни залан-буьр хъунин себелкарар жезва.

Гъуьлягъди къасай дуьшуьшра къадагъа ийизва:

1. Гъуьлягъди къасай чка-

4. Спирт квай шейэр хъун;

5. Гъуьлягъди къасай чкадал яргъал вахтуналди къайи шей эцигун;

6. Агъу хкатун хъсанарунин мураддалди хер чукулдал агъун.

Гъуьлягъдин агъу инсандин руфуниз фейила азарлудан гъал къезиларун ва осложнирин вилик пад кьун патал зегъердиз акси дармандин раб яна кьанда. Фикир це, и кар кыле тухун гъуьлягъди къасай сифте 24 сятда менфятлу я. Ихътин дарманди анафилактический шокдин жуьреда залан аллергиядин реакциядин вилик пад къадай мумкинвал гуда. Теспача хъанвай инсанриз гъаф дуьшуьшра гъуьлягъди къасайла вуч авун лазим ятла чизвач. Сифтени-сифте секин хъана арадал атанвай гъалариз анализ гана кьанда. Анжах ахпа активный гьерекаатар кыле тухуз жада.

РД-дин ЗДРАВООХРАНЕ-НИЕДИН МИНИСТЕРСТВО

ВНИМАНИЕ!

ЮЖНОАМЕРИКАНСКАЯ ТОМАТНАЯ МОЛЬ

К.Г.ГРАМАЗАНОВ,

руководитель Управления Россельхознадзора по РД

Управление Россельхознадзора по Республике Дагестан, в целях реализации государственной политики Российской Федерации в области защиты населения и территории от чрезвычайных ситуаций (указ Президента РФ от 11 января 2018 г. №12) информирует о возможном заносе на территорию республики потенциально опасного карантинного вредителя пасленовых культур (фото прилагается).



Южноамериканская томатная минирующая моль - опасный вредитель пасленовых культур открытого и закрытого грунта, входящий в Единый перечень карантинных объектов Евразийского экономического союза, утвержденный Советом Евразийской экономической комиссии от 30.11.2016 года.

Томатная минирующая моль обладает высоким потенциалом вредоносности, повреждает и уничтожает томатную продукцию, как в открытом, так и в закрытом грунте и наносит значительный экономический ущерб. Может снижать урожайность культуры на 70-80% и уничтожить практически весь урожай. Основным кормовым растением томатной моли являются томаты, но этот вредитель может также повреждать картофель, баклажаны, перец и сорные растения семейства пасленовых. Вредитель повреждает и развивается на всех надземных частях растения томата: верхушечной почке, листьях, стеблях, цветах и плодах.

По последним данным — способна повреждать и неприкрытые почвой клубни в период вегетации

картофеля. Личинки проделывают ходы внутри листовой пластинки (минируя лист), создавая пятновидные мины неправильной формы, что приводит к некротическому увяданию листьев. В плодах томатов извилистые ходы личинок затрагивают внутреннюю часть плода, что снижает товарные качества продукции, а также создает благоприятные условия для развития патогенных организмов.

В этом году имеются случаи попадания в феромонные ловушки насекомых данного вида. Учитывая, что вредитель попадает в ловушки, есть риск его развития и распространения. В связи с этим соответствующим службам тепличных хозяйств, овощеводам и фермерам необходимо подробно ознакомиться с морфо-биологическими особенностями томатной моли и мерами борьбы с ним, чтобы быть готовыми принять все необходимые меры для локализации и ликвидации возможных очагов этого опасного вредителя.

В случае выявления подозрительного объекта, необходимо немедленно сообщить об этом в Управление Россельхознадзора по Республике Дагестан по телефону горячей линии 8(8722) 780304.

В ДАГЕСТАН ИЗ ГРУЗИИ ПЫТАЛИСЬ ЗАВЕЗТИ ЗАРАЖЕННЫЕ НЕКТАРИНЫ

Марина МУРСАЛОВА,

начальник отдела Управления Россельхознадзора по РД

Управление Россельхознадзора по Республике Дагестан признало зараженной партию из 18,1 т свежих нектаринов и не допустило их ввоз в страну. Основанием для задержания стало заключение Дагестанского филиала ФГБУ «ВНИИКР», которое подтвердило факт выявления в нектаринах восточной плодовой моли.

Напомним, восточная плодовая моль находится в списке карантинных насекомых. Это один из самых опасных вредителей плодовых деревьев. Гусеницы первого поколения развиваются в молодых побегах, прогрызая в них ходы до 15 см длиной. Поврежденные ветви увядают, растрескиваются и постепенно засыхают.

Таким образом, владелец груза совершил административное правонарушение, ответственность за которое предусмотрена статьей 10.2 Кодекса Российской Федерации об административных правонарушениях. Продукция отправлена обратно в Грузию.

Отметим, карантинный груз был обнаружен 4 июля на дагестанском участке государственной границы РФ на пункте пропуска «Яраг-Казмалар».

ДАГЕСТАНСКИЙ РОССЕЛЬХОЗНАДЗОР ИЩЕТ ОПАСНЫХ ВРЕДИТЕЛЕЙ

Специалисты Управления Россельхознадзора по Республике Дагестан проводят мониторинг на выявление опасных карантинных вредителей. Обследования проводятся как визуально – методом сплошного осмотра растений, так и с использованием феромонных и цветных клеевых ловушек. Феромонные ловушки направлены на выявление томатной моли, а клеевые – на комплекс сосущих вредителей, в числе которых табачная белокрылка, листовые минеры, трипсы и другие. Ловушки устанавливаются на срок до двух недель, в течение которых отслеживается улавливаемость вредителей. По истечению этого периода они направляются в лабораторию дагестанского филиала ФГБУ «ВНИИКР» для установления видового состава насекомых.



Надо отметить, в последние годы специалисты Россельхознадзора также стали проводить визуальные обследования и на наличие потенциально опасного для республики карантинного вредителя коричнево-мраморного клопа. Вредитель является теплолюбивым насекомым, развивающимся при температуре 20-25 градусов. Он повреждает плодовые, бахчевые, ягодники, виноградики и другие культуры в общей сложности более 300 видов растений. Предпочтение из овощных культур клоп отдает томатам, огурцу и перцу.

Внимание! В случае выявления подозрительных организмов необходимо незамедлительно сообщить об этом в Управление Россельхознадзора по Республике Дагестан по телефону горячей линии 8(8722) 78-03-04.

ЧЕШНЕЛУ СТУДЕНТРИН ЖЕРГЕДА

М.НАРИМАНОВ

Ахцегь райондин баркаллу адетар хуьналди, гзаф жегьлири гьам школайра ва гьамни жуьреба-жуьре заведенийра келунар давамаруналди, абура виниз тир нетижаяр къазанмишзава. Гьажиева Алина Фермановна гьа ихътинбурукай сад я. И жегьлиди 2016-йисуз Смугьулрин хуьруьн школадин 9-класс яру аттестатдалди куьтягьна. 2018-йисуз лагьайтIа, гьа и школадин 11-класс лап хьсан кьиметралди акьалтIарна.

Алинади келунар давамаруналди, ам «Россиядин Минюстдин РПА» ВГУЮ-дин Кеферпатан Кавказдин Институтдин Махачкьаладин филиалдин юридический колледждик бюджетдин бинедаллаз очнидаказ экечIна. И мукьвара адан буба Ферман Мегьядиновичан ва диде Зуьлейха Исмаиловнадин тIварунал кьейднавай колледжди Чухсагьулдин чар рекье туна. Ана юридический колледждин руководстводи Алинади хьсан тербия гунай адан диде-бубадиз дерин чухсагьулдин келимаяр лагьанва. Ам нинки вичи-вич тухунин тегьерда, гьаки келунарни лап хьсан нетижайралди тафаватлу жезва. И чарчи Ферман Мегьядинович ва Зуьлейха Исмаиловна кьадарсуз шадарна.

Адан гьугьуьналлаз Смугь-



улрин хуьруьн школадин руководстводин ва педколлективдин тIварунихъ юридический колледждин патай мад са Чухсагьулдин чар атана. Ана кьакьан дережадин чирвилер авай выпускникар гьазурунай, муаллимвилдин устадвилляй ва агалкьзавай несил тербияламишунин кардик еке пай кутунай школадин педколлективдиз развивдин келимаяр лагьанва. Идалайни гьейри, ина хабар гузвайвал, Гьажиева Алина Фермановнади 2018-2019-келдай йисан 2-семестр лап хьсан нетижайралди бегьемарнава.

Кьейдин, Алина патал 2019-йис бегьерлуи хьанва. Ингье и

йисуз адаз юридический колледждин руководстводин патай хьсан келунар, чешнелу низамдай ва колледждин общественный умуьрда активвилелди иштиракунай грамота ганва. Адал юридический колледждин директор Б.Жамаловадин кьул ала. Курелди, Алинади 1 ва 2-семестрар виниз тир нетижайралди куьтягьнава.

Юридический колледждин общественный умуьрда активвилелди иштиракзавай Алинади 2018-йисан 11-декабрдиз Дербент шегьерда киле фейи студентрин илимдин конференцияда 1-чка кьуна. 2019-йисан 25-апрелдиз Махачкьала шегьерда «Имам Шамиль вучиз рикел хвена кIанда?» лишандик кваз киле тухвай республикадин студентрин илимдин конференцияда лагьайтIа, ам 1-чкадиз лайихлу хьана. Гьа и йисан 25-мартдиз Махачкьала шегьерда тешкилай ингилис чIалай фонетический конкурсдани ада 1-чка кьуна. Чехи Гьалибвилин 74 йис тамам хьунин сувар киле тухузвайла ам лап хьсан келунар «Бессмертный полкун» иштиракун патал Москва шегьердиз рекье тунай.

Чирвилерихъ кьаних руша ДГТУ-дин инженерно-экономический факультетдани (ГиМУ) заочный кьайдада келзава. Алина Фермановна Гьажиевадихъ келунар мадни виниз тир агалкьунар хьун чи мурад я.

хуьруьнвийрин патав фена, амма садани куьмекнач. Эхирни, 1960-йисуз ам вичин кьаст кьилиз акьудун патал, герек алатарни кьачуна, текдиз дагьдай рехъ авунив эгечIна.

Гьар юкьуз ам дагьдиз, кIвалахал хьиз, физвай. Гзафбуру адаз акьулсуз лугьузвай, амма 22 йисалай Дашратх Манджхиди вичин мурад кьилиз акьудна – дагьдай рехъ авуна. И кардилай гьугьуьнлиз вири Индиядиз Дашратх Манджхи тIвар алай кас чир хьана. Халкьди адаз «Дагьдин инсан» лакIаб гана, амма гьукуматди адаз чухсагьул лагьанач.

2007-йисуз Дашратх Манджхи азарлу хьана рагьметдиз фейидалай гьугьуьнлиз Бихар штатдин регьберди адан кIвалахдиз кьимет гана, ам еке гьурметдивди кучудна. Алай вахтунда кьунши 60 хуьруьн агьалийри гьар юкьуз Дашратх Манджхиди авунвай рехъ ишлемишзава, риклин кьеняй адаз чухсагьул лугьузва ва рагьмет гизва. Индияви кьве кинорежиссерди гьечIи хуьруьн кесиб хизанда яшамиз хьайи кьегьал хва Дашратх Манджхидикай кинофильм туькуьруналди адан игитвал вири дуньядиз машгьуруникай фикирзава.

ДАГЪДИН ИНСАН

Таржума авурди – Алина ШЕРИФАЛИЕВА

1934-йисуз Индиядин Гая шегьердин патав гьвай са гьвечи хуьре, кесиб хизанда, Дашратх Манджхи тIвар алай аял дидедиз хьана. Адаз вири улкьведиз машгьур хун кьисмет тир. Духтурдин куьмек клан хьайила и хуьруьнвийр тамам 70 километрдиз финиз мажбур жезвай. Рехъни яргьиди ва четинди тир, вучиз лагьайтIа ам кьакьан дагьдин гирведилай физвай.

Са сеферда Дашратхан свас, вацрав гекьиг тежедай хьтин гуьзел Фалгуни Деви, дагьдин четин, тик рекьай кьунши хуьруз физвай. Гьаки ятIани адан кIвач галкIана, аватна, залан хер хьана. Вахтунда куьмек тахьуникди ам кьена. Бахтсуз Дашратх Манджхидиз ихътин бедбахтвал масабурун кьилелни атана клан хьанач, гьа дагьдай дуьз рехъ акьудун кьетIна. И карда куьмек кланз ам гьукумдаррин ва

ОБЪЯВЛЕНИЕ

О ПРОВЕДЕНИИ ПУБЛИЧНЫХ СЛУШАНИЙ

Администрация СП «сельсовет Ахтынский» сообщает о проведении публичных слушаний по обсуждению вопроса предоставления разрешения на изменение вида разрешенного использования:

1. Земельного участка с кадастровым номером 05:22:000001:7788, общей площадью 210 кв.м., расположенного по адресу: Республика Дагестан, Ахтынский район, с.Ахты, ул.Ленина, принадлежащего на праве собственности Мирзоеву Назиру Азизуллаховичу, категория земель «земли населенных пунктов», с вида разрешенного использования «для личного подсобного хозяйства», на вид «предпринимательство».

2. Комиссии по результатам публичных слушаний подготовить и представить главе СП «сельсовет Ахтынский» заключение и рекомендации о предоставлении разрешения на условно разрешенный вид использования или об отказе в предоставлении разрешения с указанием причин принятого решения.

Публичные слушания состоятся в 14 часов 00 мин. 19 августа 2019 г. по адресу: Республика Дагестан, Ахтынский район, с.Ахты, здание администрации сельского поселения «сельсовет Ахтынский».

С полной информацией по указанному вопросу можно ознакомиться в администрации СП «сельсовет Ахтынский» по тел.: **89884205087** а также на официальном сайте сельского поселения «Ахтынский» в сети Интернет: <http://sp.akhty.ru/>

Письменные рекомендации и предложения по вопросам публичных слушаний принимаются по адресу: Республика Дагестан, Ахтынский район, с.Ахты, ул.А.Байрамова, 1.

ГЗАФ ПУЛ ЧАРА ИЙИДА

Ростендер порталди хабар гузвайвал, РФ-дин Минкомсвязди 3 йисан кьене Интернет вилик тухун патал Дагьустандиз 2,7 миллиард манат пул чара ийида. Интернетдикай социальный рекьай метлеб авай идарайри ва объектри (медицинадин, образованидин, государстводин кьурулушдин, кьайдаяр хуьдай) менфят кьачуда. Алай вахтунда RosTender.info сайтда торгар киле физва. Заявкаяр 22-июлдалди кьабулда ва гьалиб хьайидини 24-июлдиз малумарда.

ПОЭЗИЯДИН ДАФТАРДАЙ

Гьазретов Юзбег Незирович 1951-йисан 29-июндиз Смугьулрин хуьре дидедиз хьана. Шусад йис хьайила ам школадиз фена. Смугьулрин хуьре 8-класс, 1970-йисуз Ахцегьрин 2-нумрадин юкьван школа куьтягьна. 1971-73-йисара армиядин жергейра кьуллугьна. Армиядай хтайла, Краснодар шегьерда радиотехнический училище акьалтIарна. Краснодардин радиозаводда, ахпа виликан СССР-дин хейлин маса шегьерра кIвалахна. Гьугьуьнай хайи хуьруз хтана. 2011-йисуз пенсиядиз экьечIна, Смугьула яшамиз жезва. Ю.Гьазретова рикI уцIейла шиирарни кьхизва. Агьадихъ чна адан са шумуд эсер куь фикирдиз теклифзава.



Юзбег ГАЗРЕТОВ
Смугьулрин хуьр

ЗАЗ ДАГЪЛАР ИШЕЗ АКУНА

Кьекьез фена зун дагьлариз,
Цуьквед кьунвай шиш кукIвариз.
Тамашайла зун чIуарариз,
Заз дагьлар ишез акуна.

Галат тийиз ийиз кIвалах,
Сагьламвал тир кве гвай дамах,
Адалатдин тир куьн утагь,...
Заз дагьлар ишез акуна.

Харабаяр хьанва хуьрер,
Цан хьийизмач кьуьлуьн никIер,
ЦикIенава ичин регьвер,
Заз дагьлар ишез акуна.

Гьалтдач дагьдай я вал чубан,
Хьихьизамач гьич кфилдин ван,
Кьайгьу чIугу, я вун инсан,...
Заз дагьлар ишез акуна.

Абукевсер кьайи булах,
Вав гвачирни ажеб дамах,
ТIям тир ви, гьелбетда, кьаймах...
Заз дагьлар ишез акуна.

Чи несилрин куьгьне юрдар,
Цаярикай хвейи дагьлар,
Чаз недай фу гайи дагьлар...
Заз дагьлар ишез акуна.

Кавалри цIалцIамай кьванер,
Муьрхьи кьунва гила кимел,
Хьижезмач мад анал мехьер...
Заз дагьлар ишез акуна.

...Багьрийри чаз гьурметзава,
Агь тийиз чаз минетзава,
Сурари дуьа гьузетзава...
Заз руьгьер ишез акуна...

РикIе авай ашкьид цIаяр,
Кьезмач анал жегьил рушар.
Булахдава чкIай цлар,...
Заз дагьлар ишез акуна.

Ша, чун чи юрдарал хквен,
Чанар сагьдай са кап фу нен,
Чи дагьлариз сагьиб хьижен,...
Заз дагьлар ишез акуна...

Чанар сагьдай вич дарман яз,
Таза фу вегьейла хуураз,
Атир чкIиз ви кьуд патаз...
Заз дагьлар ишез акуна.

Дагьлар я чи эбед Ватан,
Куьмекдалди хьийин дарман,
Хуькведайвал кифилдин ван...
Заз дагьлар ишез акуна.

СМУГЬУЛАР

Хуш дагьларин кьужахдава,
Гуьзел, гурчег утагьдава,
Чна валди дамахзава,
Зи диде ватан, Смугьлар.

Пеле акьаз хуьтуьл шагьвар,
Зи диде ватан, Смугьлар.

Пуд патахьай кьезва вацIар,
Цуьк акьудай майвад багьлар,

Гьурбатдиз кьез тазва хуьрер...
ЧикIизва бубайрин кIвалер...
Чаз, гьакьикьат, я вун шегьер,
Зи диде ватан, Смугьлар.

ЛЕЗГИЙРИЗ

Егьи патай акур гелер,
Кьил такьатай кьуьгьне сирер,
Лезги чIал ви куьлег хьана,
Сир дуньядиз керчек хьана.

Уьрертулар, Шимер улкьве,
Гьукуматрин сифте бине,
Дуньядиз вун хьана чешне,
Лезги кьилих язва вине.

ЗАХЪ ГАЛАЗ РУЬГЬЕР РАХАНА

Акур чIавуз чкIай хуьрер,
Зурзас кьавзда кIвачер, гьилер.
Накьварив ацIуда вилер, –
Захъ галаз руьгьер рахана...

Касни амачир харабаяр... –
Захъ галаз руьгьер рахана.

Чанар гана хвейи чилер,
Зегьметдивди кутур никIер,
Ян гузавай кьуьлуьн килер, –
Захъ галаз руьгьер рахана.

Хуьр куьч авур чIехи залум,
Дуьздикай чун уна магьрум,
Идлай еке чаз жеч зулум... –
Захъ галаз руьгьер рахана.

Азиятрив кутур мулкар,
Нетижайриз авур юрдар,

Чара хьана чакай михьиз,
Шезвай абур гзаф кьатиз,
Багьрийрикай сурагь ийиз, –
Захъ галаз руьгьер рахана.

2015-йисуз Султанова Нергиз Мурсаловнадиз ОПФР-дин РД-да авай Управленидин Ахцегь райондин отделенидай ганвай МК-7 0312011-нумрадин дидевилдин (хизандин) капиталдин сертификат квахьнава. Адал АМАЛ АЛАМАЧ

ЩИЙИ ДУЬНЯ

(Новый мир)

Учредитель:

Администрация
Ахтынского района
Республики Дагестан
Главный редактор
Д.Ш.ШЕРИФАЛИЕВ

Газета перерегистрирована Управлением федеральной службы по надзору в сфере связи, информационных технологий и массовых коммуникаций по РД 22 января 2019 г. Регистрационный номер ПИ № ТУ 05-00401.

Позиция редакции может не совпадать с точкой зрения авторов, которые несут ответственность за достоверность и объективность предоставленных для публикации материалов. Рукописи не рецензируются и не возвращаются. При перепечатке ссылка на «Новый мир» обязательна.

Адрес редакции и издателя:
**368730, РД, Ахтынский район,
с. Ахты, ул.Герейханова, д.33.**

Телефон главного редактора
8(988)-654-59-49

Электронная почта газеты:
newworld1928@mail.ru

ИНДЕКС 63312

Газета «Новый мир» сверстана и отпечатана в ООО «Типография-М» по адресу: г.Дербент, ул.С.Курбанова, 25. Электронная версия газеты на сайте www.akhty.ru

По вопросам качества печати обращаться в типографию ООО «Типография-М»

Время подписания в печать по графику 14.00.
Подписано в печать 14:00
Газета выходит 52 раза в год.

Тираж 1500 экз. Заказ № _____